

ገጽ 121

La rjà' li ke vù ba ese Yawè

- ¹ Mè nàa ma mmir a fyε' mbe mntùu.
La rjà' li ke vù ba eƒε?
- ² La rjà' li ke vù ba ese Yawè,
ce e m boo rbuu ba tunshe.
- ³ E be mà'shi wè tε à sεε ka',
Ye ce e ke ke' à wè be yè' ka'.
- ⁴ Yê, ηwè ce e ke kè'ni bèe Isrèl
e ke yè' ka', buumi ka'.
- ⁵ Yawè a ηwè ce e ke kè'ni wè;
Yawè a ηwè ce e ke ba àgee wè, ce tε'shi wè.
- ⁶ Nyù be tòo wè nèwaη ka',
tε ηwεε^a yi gee yuu nè wè nètu' ka'.
- ⁷ Yawè be tε'shi wè efa yuu bebep wεεwε;
kèr tε'shi lo ryòη.
- ⁸ Yawè be tε'shi wè mbe nfè' ce à ce fuu, ba mbe nfè' ce à ce kuti,
ke' e sè'ni na du ba' àlùsimbùu.

^a121:6 Bèe mo' a m byemi yap ene ηwεε yi ke ràa ncùu wa' gee byaη vi ce koo bèe, àmbò kà' ba byaη mo' jεε jèε jεε

ገገገገገገገገገ 122

Sèe du mbe ndàp Yawè

- ¹ Mè m lu'shi mbe nfè' ce a m làa nè mè enê,
“Sèe du mbe ndàp Yawè.”
- ² Oo Jèrusalèm,
wèr à tɛɛ sè'ni mbe yo ncùu ŋka'.
- ³ Jèrusalèm a rla' ce a bà'ri
li ba àbee,
- ⁴ à ba rla' ce mntè' bèe Isrèl,
ce a ke loo nè Yawè a ke ko' mboo,
àmbò Yawè à m làa nè Isrèl,
tɛ wowèe a bo yòŋshi Ye.
- ⁵ A m tɛr bkàbàrà' mnsa' àfo,
à ba bkàbàrà' embe ndàp Devid.
- ⁶ Loo enɛ cumɔnyaŋ ba à rla' Jèrusalèm!
“M ce loo enɛ bèe ce a kòŋ Jèrusalèm a cu yɛɛnì!”
- ⁷ Loo enɛ cumɔnyaŋ ba fa wèe mlà',
tɛ Yawè tɛ'shi wèe à wee mndap.”
- ⁸ À ka' ba njo' bɸɸr wa ba bkar wa,
m be làa enê, “Cumɔnyaŋ ba nè wèe!”
- ⁹ À ka' ba njo' ndap Yawè ce e yu yisèe Nyù ,
m be kòŋ enɛ buu ba yɛɛnì nè wèe.

ƆWÀ' RƆÈSÌ 127

Yawè a ƚwè ce e ke bà'ri

¹ Yawè ka' te bà'ri ndap ka',
banε bèe ce a ce bà'ri a fà' ba à cici.

Yawè ka' te kè'ni rla' ka',
banε ƚwè rkè'nì ce kè'ni à cici.

² À rnyεε à mu ƚgàptu' ce fà' caar kuti mbe ndàp njep nfè' ka'
te à bo koni yuu ye à yo ƚger yi yu à cici.

Yi yu wa'a njobè' Yawè a ƚwè ce e ke fa buu nè bèe ce E kòn.

³ Yê, Yawè a ƚwè ce e ke fa bèe boo,
boo à ba ghònì ce mini.

⁴ Boo ce ƚwè à bi à muu nsùnsù,
a yu àmbò mnjεε mbà bo ƚwè mà' bìr wa'a.

⁵ Mmböŋtu mi yu nè ƚwè
ce yi te' mnjεε yi ruu nè mnjεε anà!

Be ba mbe nfè' ce e ce rè a yi ƚgãa bbàa wèe mbe cūu ƚka' nà,
te wowèe a coosi ye ka'.

ገጽ 130

La ryòṅ li ce kè' Yawè

¹ Oo Yawè, mè war nè wè,
njobè' mè yu à mlù sê.

² Oo Tatâ, yu' yà njèndon!
Ta tù' yu' yà njèndon,
ce m ce loo wè enɛ à koosi mnse nè mè!

³ Oo Yawè, ka' ba enɛ à ce bè' buu bbebepe bèe,
oo Tatâ, ḡwè ce àde' e sorti a nda?

⁴ Geewa'a, wɛ ke fòosi buu bbebepe bèe,
tɛ a bo wɛp wè.

⁵ M ce kè' Yawè,
a ce kè' Ye nè ya ntee—ḡwè,
a ce ke' yu ce E làa.

⁶ La ryòṅ li ce kè' Tatâ,
caa àmbò ḡǵaa rcìṅ a ke ce kè' enɛ tù' raa,
caa àmbò ḡǵaa rcìṅ a ke ce kè' enɛ tù' raa.

⁷ Oo Isrèl, fa nè bfee nè Yawè!
Fa nè bfee nè Ye njobè' Li rkòṅni li yu nfesè,
E ke kòṅ à rjà' wèe sê.

⁸ E be jà' Isrèl,
efa yì buu bbebepe wɛwɛ.

ƆWÀ' RNÈSI 139

Oo Nyù, fyε' mè riŋ ya ntee

- ¹ Oo Yawè, wè fyε' mè,
a riŋ mè.
- ² Wè riŋ nfè' ce mε ke cuu à nshè, a riŋ nfè' ce mε ke nàti mbekì.
Mε bii ka' kwà'shi yuu, wè ba nè riŋ wεε.
- ³ Mε bii ka' kwà'shi à rjèr kèr kwà'shi à rnòŋ, wè ba nè riŋ wεε.
Wè riŋ la rjèr wεεwε.
- ⁴ Oo Yawè, tε m ka' mù' cùu ene m ce làa yuu,
wè ba nè riŋ yi wεεwε.
- ⁵ Wε ke kènŋte mè e mbenjì ba e kùntombì,
a la' yo bo mbe mǎ ndùu.
- ⁶ Njèε rriŋ buu anà yi càa ya ŋger,
li yu rgòr ce àde' m riŋ ka'.
- ⁷ M ka' lo efa gee wè m du ba fε?
M ka' caŋ efa wo bsii m du ba fε?
- ⁸ M ka' ko' mbe bùu, à ku ba mboo!
M ka' noŋ mbà yìr, à ku ba mbǎ!
- ⁹ M ka' fεŋ du kùmbùunti,
du cu nje ntee rdip rgòr,
- ¹⁰ ka' àfo, à be càŋsi mè nè yo bo,
kèr ghashi mè nè yo bo mà'.
- ¹¹ M ka' laa enê, “Tù'ŋji be cete mè,
tε rraa efa mǎ geŋ li kùti à nètù”,
- ¹² ka' tù'ŋji be sii nè wè ka',
nètù' yi be ce raa àmbò nèwaŋ,
njobè' tù'ŋji ku ba nè wè àmbò rraa wa'a.
- ¹³ Wè m gèe wa bdi' nyor enjep mu,
a cù'shi vi njep rbù yà ma àbee.
- ¹⁴ M ce nèsi wè njobè' wè m boo mè à nji ce ŋwè wεp kèr bèε.
Mo mfà' mi yu mǐ mmbèε,

mè riŋ wa'a yeeni sê.

¹⁵ Bvup mo' enje mǎ nyòr vi m sùrni
mbe nfè' ce wè m ce boo mè à bsùti ka'.

Wè m lòr nfè' a yuŋte mè nje rbù yà mâ.

¹⁶ Mo mmir mi m ye mè mbe nfè' ce a m ku koo la rbù koo.

Wè m saŋ wa mnòŋ
ce wè m lè ene m be cu wɛɛwɛ mbe wǎ ŋwà',
te vi ka' kè' ce ba.

¹⁷ Oo Nyù, mo mŋkwà'shì mi bòn sê!
A ka' tarshi mi wɛɛwɛ mi ba gòr àmbò kɛ!

¹⁸ Mè ka' ba ce be' mi,
mi ba càa nsaruŋ.

Mǎ lɛ', ku bii wè sò.

¹⁹ Oo Nyù, ce wè ba sɛsi bǎe bbebepe!
Oo ŋgãa nyushi bèe, lɛ'si nè nyor efa mǎ geŋ!

²⁰ Wowèe a ce làa àmbò wè nè ntee sii.

Yo ŋgãa bbàa a lòr lo rlii à cici.

²¹ Oo Yawè, mbò mè bàa bèe ce a bàa wè a?
Mbò mè jàasi bèe ce a ce rè wè a?

²² Mè bàa wowèe a tɛ' kɛkɛŋ,
a be' wowèe à ya ŋgãa bbàa.

²³ Oo Nyù, fyɛ' mè, ye ya ntee!
Taase mè, riŋ ma mŋkwà'shi.

²⁴ Fyɛ' ene yuu bebepe mo' yi yu njep mè lɛ,
caŋsi mè njep nduunji ce yi yu nfesè.

naa bèe ce buu à yi'shi wowèe.

¹⁵ Mmir bèe wεεwε mi ke fyε' mbendù wè,
à ce fa wowèe wap byee njep nfè'.

¹⁶ Wε ke mù' yo bo,
fa buu btèe wεεwε buu ce a ce kòn.

¹⁷ Yawè yu kùyεε à buu wεεwε ce E ke gèe,
a t̄ar ntee bòn̄boḅ à buu wεεwε ce E ke gèe.

¹⁸ Yawè yu àt̄t̄t̄ nè bèe wεεwε ce a ke kε' Ye,
nè bèe wεεwε ce a ke kε' Ye nè mini—ḅwè.

¹⁹ E ke gèe yuu ce bèe ce a ce wεp Ye a kòn,
ker yu' lap rwar, ja' wowèe.

²⁰ Yawè e ke kè'ni ḅwè wεεwε ce e kòn Ye,
geewa'a E be yushi b̄e b̄ebep wεεwε.

²¹ Ya cùu yi be nèsi Yawè,
te buu btèe wεεwε vi n̄esi Li rlii ce li yu rrara à n̄fesè ba n̄fesè.